



UNIVERSITÄTS-
BIBLIOTHEK
PADERBORN

Universitätsbibliothek Paderborn

Unus Pro Omnibus, Hoc est: Christus Jesus Dei Filius


Ginther, Anton

Augustæ Vindelicorum, 1733

VD18 12431648

Consideratio XXX. Christus in cruce pendens, velut Job, vir dolorum, & plenus vulneribus consideratur.

[urn:nbn:de:hbz:466:1-45934](https://nbn-resolving.org/urn:nbn:de:hbz:466:1-45934)


CONSIDERATIO XXX.
Christus in cruce, velut Job, vir dolorum
& plenus vulneribus consideratur.

Concidit me vulnere super vulnus. Job. 16. 15.

I.

Job. 1. 3.

JOb vir ille magnus inter omnes Orientales, imò Rex, Sacerdos, Propheta & Martyr insignem quondam Christi in cruce patientis typum gessit, dum illum non dumtaxat tortor stygius omnibus spoliavit bonis, sed & à planta pedis usque ad verticem capitis

Job. 2: 7.

ulcere pessimo percussit, ac in omne hujus patientissimi viri corpus crudelissimè desæviiit, quem tandem omninò extra domum ac civitatem suam ad sterquilinum, vilissimum locum, ubi omnes sordes à stabulis & domibus egestæ acervabantur, ejecit; audi ipsum loquentem & immensos animi corporisque dolores graphicè explicantem:

Job. 16. 14.

Circumdedit, inquit, me lanceis suis, convulneravit lumbos meos, non pepercit: effudit in terram viscera mea: concidit me vulnere super vulnus: irruit in me quasi gigas &c. In quo, subintrat hic Tirinus, Christi typus fuit vulneribus pleni, & extra urbem in Calvario monte crucifixi; unde dicit Isaias: *Propter scelus populi mei percussi eum, & iterum: Ipse autem vulneratus est propter iniquitates nostras, attritus est propter scelera nostra, disciplina pacis nostra super eum, & livore eius sanati sumus.*

Isa. 53. 8.

2. Videamus nunc inter typum & antitypum, inter Jobum & Christum pulcherrimam quandam analogiam.

Job. 1. 3.

Job non vulgaris homo, sed ditissimus princeps Idumææ fuit, de cujus divitiis ac possessionibus plura enumerat Scriptura: *Et fuit possessio ejus, septem millia ovium, & tria millia camelorum, quingenta quoque iuga bouum, & quingenta asina. ac familia multa nimis &c.* Christus de regia stirpe natus, princeps pacis proclamatus est, in cujus manu erant omnes fines terræ.

Job. 19. 13.

Job in calamitate sua ab omnibus amicis erat derelictus: *Fratres meos longè fecit à me, & noti mei quasi alieni recesserunt à me; dereliquerunt me propinqui mei, & qui me uoverant, oblii sunt mei.* Christus ab intimis amicis

amicis ac discipulis suis partim venditus, partim negatus, ac tandem ab omnibus derelictus est: *Tunc discipuli omnes, relicto eo fugerunt.* Matth. 26. 56.

Job in anima ingentes mœrores, terrores & anxietates tulit: *Sagitta Domini in me sunt, quarum indignatio ebibit spiritum meum, & terrores Domini militant contra me;* Christus in horto contristari & mœstus esse cepit usque in finem: *Tristis est anima mea usque ad mortem.* Job. 6. 4.
Marc. 14. 34.

Job à propria sua uxore multa sustinuit, à qua irrisus, & contumeliis affectus est: *Halitum meum exhorruit uxor mea;* Christus à perfida Synagoga ejectus, accusatus, illusus, & ad mortem damnatus est: *Et repleti sunt omnes in Synagoga irâ, & surrexerunt, & ejecerunt illum extra civitatem.* Job. 19. 17.
Luc. 4. 28.

3. Job omnia bona sua perdidit: *Et irruerunt Sabai, tuleruntque omnia &c.* Christus nudus crucem ascendit, ubi non habuit, unde caput reclinaret. Job. 1. 15.
Matth. 8. 20.

Job cunctas ferè dolorum, morborumque species patientissimè sustinuit, *qui testâ saniam radebat.* Christus alapas, flagra, spinas, crucem, ipsamque necem incredibili patientiâ sustinuit: *Super dolorem vulnerum meorum addiderunt.* Job. 2. 8.
Psal. 68. 27.

Job à Satana in toto corpore plurimis percussus est plagis: *Egressus igitur Satan à facie Domini, percussit Job ulcere pessimo, à planta pedis usque ad verticem ejus.* Christus à vertice capitis usque ad talos & plantas à ministris Satanæ concisus est: *A planta pedis usque ad verticem non erat intacto sanitas.* Job 2. 7.
Ista. 1. 6.

Job quàm maximè doluit, quòd ab omnibus esset desertus: *Abominati sunt n.e quondam consilarii mei; & quem maximè diligebam, aversus est me.* Christus in cruce ab omnibus derelictus ad Patrem suspiravit: *Deus meus, Deus meus! ut quid dereliquisti me?* Job 19. 19.
Marc. 15. 34.

4. Job inter omnes dolores quàm maximè conquestus est de vulneribus suorum: *Posuit me sibi quasi in signum, circumdedit me lanceis suis, convulneravit lumbos meos. non pepercit, & effudit in terra viscera mea.* Christus in cruce positus est in signum, cui à malignis omnibus fuit contradictum, ubi impii Deicidæ non solum manus & pedes durissimis clavis ferreis, sed & latus ejus crudeli lanceâ transfixerunt, ubi impleta est Scriptura: *Videbunt in quem transfixerunt.* Job. 16. 13.
Jo. 19. 7.

Jobo Prophetæ vehementer condoluerunt amici ejus sinceri, ubi illum conspicati sunt à capite ad pedes usque tam crudelem in modum plagatum, excruciatum & ulceratum: *Cumque elevassent procul oculos, non cognoverunt eum, & exclamantes ploraverunt, scissisque vestibus sparserunt cinerem super caput suum.* O anime mi! Si servi ac subditi Domino suo Job in tanta existenti miseria tam lamentabili modo compassi sunt, quomodo

Ginther Unus pro omnibus.

P

modo,

modo, obsecro, nos adeo simus omnis gratitudinis & pietatis immemores ac expertes, ut non Dei Filio nostri amoris, atque pro nostra salute crucifixo, ex animo condoleamus? O nos miseros! Sic videlicet *justus perit, & non est, qui recogit et in corde suo; Et neque tu, ô mi Lector?*

Isa. 57. 1.

5. Caterum Job omnibus sæculis à DEO, tanquam invictæ patientiæ speculum, in sacra Scriptura fuit propositus, ad quem debellandum Orcus omnes suos exeruit vires, omnesque tetendit laqueos, ut eum caperet ac perderet, sed his non obstantibus cunctis tentationibus, Job evasit victor & triumphator de mundo, carne, dæmone. Sed unde, quæto, tanta in infirmo virtus? Ipsum percipiamus: *Scio, inquit, quod Redemptor meus vivit, & in novissimo die de terra surrecturus sum, & in carne mea videbo Deum Salvatorem meum.* Ecce Job Propheta à DEO superiori illustratus lumine, tunc in suis existens miseris, non obscure suum, & orbis prævidit Redemptorem, longè plura pro homine indigno patientem; hæc spes redemptionis humanæ & suæ ipsum in Oceano tormentorum natantem mirè consolabatur, & ad omnia adversa patientissimo animo toleranda excitabat.

Job. 14. 25.

Et quis, obsecro, in adversis constitutus & oneratus infirmitatibus, spem suam dejiciat, si pio mentis oculo Redemptorem suum in cruce suffixum contemplatur? Quid enim vides in crucifixo amore tuo, quod non suos habeat cruciatus? si caput intueris? plenum est vulneribus & aculeatis sauciatur spinis; Si oculos? natant in sanguine permixtis lacrymis; Si genas? conspurcatæ sunt sputis foetidis & turpissimis phlegmatibus; Si aures? saturatæ sunt opprobriis & subfannationibus; Si labia? amaricata sunt felle & aceto; Si collum? inclinatum est ex tot laboribus & defatigationibus; Si humeros? pleni sunt doloribus ex tot percussionebus & ponderosæ crucis bajulatione; Si brachia? ab extensione trium horarum in cruce rigescunt, luxantur; Si manus ac pedes? perforati sunt clavibus trabalibus; Si cor? transfixum est crudeli lancea; si totum denique corpus? à planta pedis usque ad verticem plenum est plagis ac vulneribus; & nondum amas, ô anime mi, talem ac tantum tuum Redemptorem?

Job. 6. 2.

6. Job, ubi Christum, tanquam novissimum virorum & virum dolorum in spiritu prævidit in crucis statera appendendum, in qua merita & demerita universorum esset libraturus, petiit & ipse in calamitate sua in hac statera appendi: *Utinam appenderentur peccata mea, quibus iram merui, & calamitas quam patior: quasi arena maris hac gravior appareret.* Statera, ait Ecclesia in hymno de S. Cruce, ipsa crux est Dominica: *Beata, cujus brachius, pretium pendit sæculi: statera sacra corporis, vuluque prædiam taxati.*

Solet

Solet autem statera non tantum habere crucem, sed & duas lan-
 ces, in quibus omne pondus libratur, quarum si una lanx ob gravita-
 tem rei libratae deorsum ad terram deprimitur, lanx altera vicissim
 sursum & in altum erigitur, unde recte ei pro lemmate inscribes: *Hu-
 miliat, & Exaltat.* Et nunquid Christus Dominus humiliavit semetipsum,
 factus obediens usque ad mortem, mortem autem crucis? Et quid sequitur?
 Propter quod & Deus exaltavit illum, & dedit illi nomen, quod est super omne
 nomen, ut in nomine JESU omne genu stectatur &c. Disce ex hoc quantum
 te debeas in hac vita humiliare, si velis cum crucifixo Servatore tuo
 in altera exaltari; si enim hic ex una lance deprimeris, ex altera parte
 apud DEUM surgis & exaltaris, nam ille est, qui pauperem facit, & dicit, *1. Reg. 2. 7:*
humiliat, & sublevar.

7. Job denique, velut novus Phoenix post exantlatam & supera- *Job. 42. 10.*
 tam tantam calamitatem quasi a mortuis surrexisse sibi visus est, dum
 omnia bona sua duplicia cum perfecta sanitate recepit, novusque Rex
 Idumaeorum salutatus est. Christus devicta morte gloriosè resurgens
 à Patre omnia centuplicia recepit, & Rex vivorum atque mortuorum
 constitutus est. Vides nunc anima mea, quam verum sit illud S. Ja- *Ag. 10. 24.*
 cobi: *Exemplum accipite fratres, exitus mali laboris & patientia: Prophetas, Jacob. 5. 10.*
qui locuti sunt in nomine Domini; Ecce beatificamus eos, qui sustinuerunt:
sufferentiam Job audistis, & finem Domini vidistis, quoniam mi-
sericors Dominus & miserator &c.



CONSIDERATIO XXXI.
 Jeremias in pluribus fuit typus crucifixi
 Jesu, pientissimi Redemptoris nostri.

*Mittamus lignum in panem ejus, & eradamus eum de
 terra viventium. Jerem. 11. 19.*

1.
Jeremias jam in utero matris sanctificatus, & omnis lethalis crimi-
 nis per totam vitam expers, in his terris expressissimus typus Chri-
 sti JESU crucifixi extitit. Videamus inter utriusque vitam &
 mortem pulcherrimam analogiam.

